

Anak — adalah harta negara, kata Dr M

BH 10 JUL 1987

KUALA LUMPUR, Khamis
— Datuk Seri Dr Mahathir
Mohamad berkata
masyarakat yang kasar,
tidak berakhlak dan ma-
las tidak mungkin melah-
irkan generasi muda
yang bersopan, mulia,
dan rajin.

Perdana Menteri mene-
gaskan jika sesuatu
masyarakat itu ingin me-
lihat anak-anak mereka
menjadi insan mulia,
unsur-unsur negatif itu
hendaklah dihindari dan
diketepikan terlebih da-
hulu.

Beliau berkata keja-
yaan sesuatu masyarakat
bergantung kepada nilai
hidup yang diamalkan
oleh masyarakat berke-
naan.

"Adalah penting
masyarakat yang ingin
melihat anak-anak dan
generasi baru yang baik
mengamalkan sendiri se-
gala amalan yang baik
dan boleh membawa ke-
jayaan," katanya ketika
merasmikan Pameran
"Duniaku" di Muzium Ne-
gara di sini petang ini.

Perdana Menteri
mengajak cerdik pandai
dan ibu bapa mencari
suatu pendekatan meli-
puti pelbagai sektor dan
disiplin dalam menentu-
kan kebajikan kanak-ka-
nak.

Positif

Tumpuan mestilah ter-
hadap usaha memupuk
dan membangun kanak-
kanak dengan nilai-nilai
positif, katanya.

"Anak-anak adalah
harta negara dan ibu
bapa menjadi contoh
ulung kepada mereka,"
tegasnya.

Datuk Seri Dr Mahathir
berkata pengetahuan
mengenai bagaimana se-
seorang kanak-kanak
berkembang mustahak
dalam usaha menghin-
darkan tingkah laku yang
tidak baik dan kaedah-
kaedah berkesan perlu di-
perkenalkan.

"Oleh itu kita perlu me-
numpu dan meneruskan
lagi usaha dalam mem-
perkuatkan dan memper-
kembangkan ilmu penge-
tahuan dalam bidang
kanak-kanak," katanya.

Menurut beliau, semua
pihak perlu memikirkan
semula nasib masa depan
kanak-kanak dan beker-
jasama serta menggem-
bleng tenaga untuk me-
lahirkan satu negara
yang sihat dan kukuh
melalui pembangunan
manusia.

Perdana Menteri berka-
ta pameran itu amat ber-
makna kerana ia diada-
kan sempena
pengesahan 'Hari Ke-5
juta' Bangsa-Bangsa Ber-
satu Sabtu ini.